

帥氏清芬集



樹人堂詩卷五

奉新帥念祖宗憲父著

族後學之憲石生甫重榮



天孫行祝臨川李太夫子壽

洪濛一氣常回環卻注東海之上天孫山高四十里十

八盤芙蓉玉削青烟鬢眾峰星羅走平陸萬里拱揖兒

孫班上蒸雲氣潤天闕下散霖雨來人間是偁岱宗肅

秋祀群生仰止窮躋攀於惟我公起南國山岳精華孕

帥氏清芬集

○樹人堂詩

卷五

一

綠窗重榮

靈宅手披雲霞盪文藻獨踞青冥俯千尺入院恩承雕

錦袍當筵坐奪通經席除繁蕪消陰翳推激風騷振金

石如登日觀指神州九點烟齊但青碧昨者

天子重經術銓府中樞託綜核身撐霄漢噓風雲心蘊

陰陽割朝夕迺簡雄藩撫百粵襟帶三江開棨戟復如

龍捲玉女池西關天門沛膏澤念也菲材託棗梓身傍

師門黍通籍敢云衣鉢祖和凝明月蓮華幸親炙培塿

詎敢矜土壤斗極旋瞻映奎璧猗歟天孫山高兮高接

天蓬壺冉冉來飛仙時憩虎阜石還浣白鶴泉秦松漢  
柏鬱暖翠玉芝瑤草凝青烟上有碧霞青帝永日開瓊  
筵座中爲公啟金筵探得玉策三千年

京邸

燕市東頭第幾家心空境寂兩無涯藏書但遣芸爲署  
潤我曾無吏放衙桐古絃琴銷木性露香硯墨滴梨花  
閒齋湛湛清虛集欲會南真乞玉華

楊渭公年伯輓歌

帥氏清芬集

八〇樹人堂詩

卷五

二

綠窗重聚

天精無虛游二氣釀混茫闔然結良璞完真石中央當  
其鬱積久寶氣激欲張盤空露英彩透石呈焜煌運會  
本有期顯晦兩不妨至寶不雕琢胡爲恨韜藏先生起  
虔州弈葉傳書香托根自元圃遠貢來扶桑溫潤具德  
性追琢成文章束髮受經史萬卷堆琳瑯黃中等蒸栗  
潔抱同截肪時惟大義激意氣慨以慷累土積十仞颯  
颯生寒芒九戰棘闈中不得登廟廊天地惜英華一洩  
恐遂傷卞氏不自炫珉珉氣方揚紛紛五都市觀者盈

道旁誰知箇中物可以求珪璋我聞崧山下稷澤流湯  
湯丹水既西注服之沃天漿灌溉及藍田嘉種芟莠根  
神靈豈終秘積久應發皇黃河從天來其源出崑岡一  
曲一千里源遠流自長楊子秉天秀持躬貴琮璜生爲  
大家慶出爲

盛世祥列之東西序擊拊聲鏗鏘楊子不自得慙勤念  
幽光九德長席珍文采鬱未彰咄哉語楊子出處詎可  
常出處不可常先澤不可忘珍此連城姿君方重明堂

帥氏清芬集

○樹人堂詩

卷五

三

朱節孝女輓詩

今古一蘧廬來往紛過客相值起悲愉遞嬗幻朝夕一  
綫天地心生初寄靈宅運會殊遭逢性始無損益廓之  
大綱立萬變不可易嗟哉真須眉乃竟出巾幗夫子起  
筠陽家風守清白巍巍理學宗湛湛詩書澤靈光深蘊  
釀元氣厚鬱積滄海出明珠丹穴無凡翮迺產閨閣英  
遂叅聖賢席夙慧由天成蚤歲嫻內則獨秉幽閑姿遠  
出富貴格夫子顧之喜東床慎掄擇仙李盤靈根兔絲

施松柏謂將賦桃天永以主宗祏風雲幻無端倉卒幽  
明隔十二白玉樓芳名列仙籍維時凶問至相從苦不  
獲一痛已無生幾希餘半息見者咸酸辛父母彌痛惜  
再拜告父母媒介記疇昔雖未奉蘋蘩亦已贄榛栗桂  
樹存孤鸞玉田無返璧我生既不辰我心自匪石境遇  
鮮定形何以論順逆豈茲夢幻身遂謝綱常責青鬢如  
飛蓬膏沐斷修飾亦有羅與綺練裳服無鞞勉承堂上  
懽十指勤紡織霜白神骨寒鐙青形影隻飛鴈雲萬重  
帥氏清芬集

○樹人堂詩

卷五

四

綠窗重牋

孤松雪千尺生慳見面緣死答修文魄冷夢悲人琴重  
泉擬顏色昨者天帝召久念塵寰謫三十六年中去去  
一何迫父母啼帳前舅姑哭床側至性如明珠彌留豈  
回惑身爲未亡人此去心所適流光不久駐自古駒過  
隙隙駒何足念慎勿增悲戚留此身後緣再殫來生力  
身前與身後此恨無終極正氣返坤元芳徽永留迹昭  
垂在宇宙青史光奕奕鳳管旣交奏鸞馭不可卽霓旌  
翠羽蓋猶疑步青碧

賦得春日鶯鶯修竹裏

淇水春鶯曉夢還子猷清賞戴暄閒一聲含潤露垂葉  
數語出烟風滿山偶拂金衣翻褐錦似叅玉版透禪關  
豔歌記得昌黎句賦汝東風紅樹閒

題畫

不辨詩腸與酒腸春風釀就滿懷香高歌欲吐腸中物  
紗帽簪花舞夕陽

垂蘿倒影颺澄流空際香生杜若洲微雨淡雲收不得

帥氏清芬集

○樹人堂詩

卷五

五

綠窗重聚

携琴來寫一聲秋

瑤草琪花盡日香玉瓶新釀乍開嘗閒來記與群仙博  
不賭斑龍賭酒方

嵐光松翠逼重重結屋遙依縹緲峯千尺轟雷窗際起  
排空驚落白蛟龍

碧浦疎林淺淡春數峰閒逸似幽人孤亭落日東南路  
偶踏煙蕪露滿身

偶成

流水行雲本自然我心合在汶濛天更無磊塊梗清賞  
但有溫磨依午眠好句摘爲行酒令春衣典作買花錢  
太虛不滓銀華澈夢蝶飛鴻會眾緣

送陳果亭老伯落第南歸

客中相送兩淒然聽唱驪駒柳陌邊斗氣忽沉知劍運  
寶光終鬱在珠淵誰酬字絹三千疋記摘丹鉛二十年  
惆悵揮鞭又南去欲酬杯酒問青天

憶自元燈燦豫章東山聲望重巖廊壬午元墨  
膾炙人口公車十

帥氏清芬集

八〇樹人堂詩

卷五

六

綠窗重聚

上長安道闌卷三依杏苑香壬辰辛丑甲  
辰三次呈薦舊徑尙畱陶

靖節

聖朝寧棄孟襄陽是科闈墨進呈  
御覽知已得而復失定知夢入飛熊

後來訪綸竿渭水旁

送吳湘臯落第南歸

于嗟乎別兮其奈何聚日苦少離苦多杳孤鴻兮霜影  
攀衰柳兮寒柯長亭對酒添慷慨爲君三疊生悲歌一  
歌兮問天生才兮非偶然玉不可在石劍不可在

淵風塵沉埋神物秘鬱作皓氣凌星躔吁嗟乎天不言  
兮復誰憐再歌兮問君孰使君博學而能文神妬兮鬼  
怒類絕兮群分千金胡琴碎復碎市上車馬如流雲吁  
嗟乎君無言兮復何云三歌兮問已贈晚蘭兮佩芳芷  
照素心兮惟止水君返兮故園悵余留兮

帝里行路難兮難于上青天山海雲濤幻城市吁嗟乎  
已欲言兮復誰是三歌擊節歌已闕爲君盡吐腔中血  
蕭蕭匹馬臨路歧執手相看此爲別吁嗟乎別兮其奈  
帥氏清芬集  
○樹人堂詩  
卷五  
七

何關山千里方飛雪

賦得月到梧桐上

婆娑丹桂廣寒宮偶瀉清暉上碧桐金井龍葱蟾魄暖  
玉盤演漾鳳條風光連徽軫天傳籟樹轉山河影在東  
濃綠無聲秋尙淺坐看夜氣養冲融

龍池春柳

萬朶春雲簇水心一團暖翠護龍吟眼明欲蘸波中綠  
眠起初移鏡上陰金縷擲梭鶯照影玉鉤拖線月啣林

曲江堤畔排衙處生意融融日夕深

爲雷金甫題柳陰繫艇圖

維舟依綠浦終日坐清暉游目得道妙因心無滯機荷  
香川氣澗柳潤水雲歸欲倩青山界詩情逼四圍

策蹇尋梅卷

探得東風信先春折早枝江南千里思驢背一鞍詩嚼  
雪吞香冷眠松入夢遲分明虎頭筆寫到淡忘時

別弟力堂時以外艱出都

帥氏清芬集

○樹人堂詩

卷五

八

綠竹堂長

死別已悽惻生別復苦辛送我獨吾子可憐兄弟親朔  
風鳴枯條白日無行人驅車城闌上撲面吹黃塵執手  
復執手長亭折楊柳我若九春花黏條苦難久子若三  
日婦空房悲獨守聚散有定運前期惜尊酒客路四千  
餘步步愁回首

張家灣書懔

驚魂未斷剩孤踪回首京華似夢中秋浸入天生遠月  
麻衣如雪哭西風癡心悔捧當時檄絕裾甯爭一日功

長痛重泉再相見彼蒼何極恨何窮

奉新驛

身爲異鄉客驛是故鄉名縱便抵家里豈能追玉京秋  
沉天亦老夢冷月無情一慟西風裏喉枯血滿聲

楊村驛雨泊

萬點天涯淚和秋滴客衣水風寒料峭柳雨淡霏微孤  
子歸何日重泉夢易稀開篷見征雁朝夕向南飛

滄州曉發

帥氏清芬集

○樹八堂詩

卷五

九

一綠商重長

百雉雄城繞大河五更解纜放輕舸醒疑雞犬忽岑寂  
臥與水風相盪摩夢竟闌珊依月落詩思清瘦受秋多  
小窗欲啓露華冷枕上隔烟聞棹歌

衛河舟中

錦纜遲遲引畫船已過新口瀆流邊路通曲折滿溪柳  
氣接滄浪一色天秋水人家鮮蟹足夕陽洲草牧牛眠  
異鄉情緒無依泊融入西風淡蕩烟

天津州

萬點風濤接大荒  
關前鼓吹集帆檣  
水亭吏散見官柳  
漁浦雅飛多夕易  
客路暮雲悲汗漫  
海門秋氣逼蒼涼  
空天杳杳向帝盡  
遙指去程思故鄉

### 黃河路

黃河路朝又莫  
灣灣相見如回顧  
卻認來舟是去舟  
邨西樹作邨東樹  
邨東樹西復東  
下水南風上北風  
一天風色各順逆  
後者牽纜前開篷  
篷開風習習  
篷落風轉急  
前舟不得上  
後舟忽相及  
舟師絕叫側  
撲之仰面回

帥氏清芬集

樹人堂詩

卷五

十

綠窗重聚

篙刺波入蕩  
搖水日炫金碧  
激薄烟光弄寒  
溼中有羈人悶  
不開爲憐河勢  
似腸回橫洲曲  
島盤旋去斷緒  
餘愁宛轉來豈  
無他人莫知我  
哀望江南兮家  
安在哉零露行  
經籬次菊凍香  
歸踏隴頭梅隴  
頭梅今漸蕊行  
路難兮直如此  
日日雞鳴舟子  
起到晚報行三  
十里

### 金陵懷古

鑿斷長壠王氣通  
青溪曲裏管絃風  
鳳凰飛去一臺月  
龍虎銷餘六代宮  
今昔此情人迭改  
廢興如夢水流東

斜陽又自沉沉晚滿眼江山是客中

題畫

流水杳然去清冷多活機岼沙收宿雨竹露洗秋暉草  
軟堪承坐烟疎欲襯衣詩情與溪色相引向霏微

送宜黃胡夫子

深秋雲水淡蒼茫江上離帆挂夕陽身棄一官如敝屣  
蔭留百里盡甘棠行厨得句編紅葉歸擔裝琴理舊囊  
極目高風雁南去已傳清興滿瀟湘

帥氏清芬集

樹人堂詩

卷五

十一

綠窗重泉

休從世態論行藏蝸角爭餘夢幻場三徑風流陶氏柳  
百年禮樂鄭公鄉案頭墨瀋盤蜩蚪池上桐陰養鳳凰  
此日臨歧晉尊酒離情相傍到鱸堂

輓毛砥伯同年

仙府脩文待逸才芙蓉十二錦城開瑤琴寂寂歸天上  
遼海翩翩有鶴回蘭譜幾人君又去青山如故我重來  
維舟賦就招魂句淚灑霜風奠一杯

月夜筠河舟中簡邱籛邨

雨霽理輕楫飄飄涉澄湖秋氣發清肅虛籟生有無輕  
颺蕩波紋明月如連珠天宇寥以曠零露方霑濡遙聞  
吠犬聲嘹嘹隔烟蕪素琴淡堪賞邨酒薄可沽推篷坐  
寒暉與君足清娛清娛曷云足知己良不孤後會付渺  
茫爲之起時曙共此靈明心浣以冰玉壺明月儻有情  
庶幾鑒吾徒

會昌答別江又存

撫綬發新操願言寫清權陽關復陽關淒絕不可彈與

帥氏清芬集

樹人堂詩

卷五

十二

綠窗書

子爲兄弟臭味同芝蘭相逢甫三月一別驚五年水風  
吹遊萍離合無其端子才若天漱清華耀詞壇旅次出  
新詠上言離別難發越金石聲激盪珠玉盤一唱三致  
意至性相屈蟠感子繾綣情後會嗟漫漫雜唱月欲落  
燭爓酒復闌素琴不成響惟聞起長歎

秋旅

旅帳無眠客夢稀秋清院落月微微一聲新笛涼如洗  
翹首流螢帶露飛

次韻別賴滄嶠兄弟

冰花一千里若爲離別飛灑空濕君袖落舟雷我衣流  
星拂青霄強弩馳神機分襟何倉卒夢醒疑是非起拂  
身上雪離愁織寒輝君家好兄弟花萼聯書幃元氣方  
發舒觀者知其微眾水媚明鏡連山鬱重圍其中龍鳳  
在珍爾世所希危難十有八歲晏我獨歸回首疆里隔  
層峽扁雲扉前期有定在無勞嘆睽違生非影與形安  
得長相依

帥氏清芬集

樹人堂詩

卷五

十三

綠窗重聚

信豐道中疊前韻別楊季重

山雲如別情纏綿不肯飛山雨如別淚無聲忽霑衣七  
載別吾子汝汝嘗世機世機黑于漆觸暗生是非幻憶  
素心人性地多光輝子學富今古著書長下幃萬卷融  
渣滓淵淵詣清微美玉有定價良木今十圍瑤琴彈窗  
冥莫謂知音希歲月倏已晏子行余亦歸蕭然壠梅下  
獨掩前山扉霜雪閉關山天遙幽夢違惟餘兩心在百  
折長因依

題畫

言采瓊瑤華于于陟層嶺白日在空山蕭然見松影雲  
歸布袍濕烟歛丹房冷道味適怡暢冲懷契清永劉阮  
去已遙長歌弄流景

王价人同年解組後詩以慰之

今日公事畢可以傾素心徒步登君堂鼓君絲綺琴借  
問鼓何曲彈我心中音憶昔與君交春鶯遷上林自君  
蒞茲土塵累苦見侵昔爲芥與鍼今若商與參宦海浩

帥氏清芬集

○樹人堂詩

卷五

十四

綠窗重采

無涯風波日陸沉豈不願接權君自有官箴世態鮮定  
軌天高浮雲深蕭然出衙署敝篋無黃金請看馮川上  
鬱鬱甘棠陰携我瓮中酒拂君床上衾今夕無嫌疑醉  
臥聯清吟

爲吳堯圃題侍遊圖

喬木高以仰梓木卑而俛茲游彷彿迺在南山顛彩鳳  
將雛起丹穴神龍挾子摩青天昔者浮邱公妙藥煉汞  
鉛至今黃山之峰三十二丹臺火氣餘蒼烟相訪若相

見左挹其袂右拍肩亦如叔卿父子服雲母棋枰石榻  
飄飄又得雙神仙我見此圖三太息猶疑筆墨留痕迹  
君家元氣畫難成融入嵐光會青碧

題鷗亭納涼圖

不與塵相際輕衫透薄涼韻疎宜竹響心澗得蓮香石  
几畱琴趣烟汀轉夕陽浮瓜嚼蒲鴿冰雪沁詩腸

題擊磬圖

不見江南李建勳泗濱仙籟幾能聞輕清閒起浮金響  
帥氏清芬集

樹人堂詩

卷五

十五

綠窗重採

溫潤長含綠玉紋對客一聲醫俗耳因風千尺裊流雲  
請君再試沉香節蕩滌新思發妙文

題笙山草堂圖爲吳鏡秋作

茅堂讀書處水石鳴清越天籟會長風鳳笙聲未歇葦  
管揮綠沉松床坐香滑情高山氣靈境妙幽思發智地  
涵空明生機乘超忽試看香草詞清似梧桐月

芍藥爲吳堯圃題畫冊

酣紅醉綠露溥溥誰縷輕綃簇錦團記得豐臺春擔上

百錢買得一枝看

延陵畫品最風流  
窈窕餘春煥未收  
開向朱欄三十二  
好凭貢父譜揚州

題畫

結字極遐曠  
捲幔窗玲瓏  
松籟兼鳴泉  
清響回長風  
烟薄石氣散  
林塘潤冲融  
杖藜者誰子  
磊落龐眉翁  
幽構臨前溪  
地邇迹易通  
矯如兩峰雲  
繚繞縈西東  
我意渺相許  
寄諸圖畫中  
圖畫本幻區  
染指開鵝籠  
焉能素晨帥氏清芬集

樹人堂詩

卷五

十六

綠窗重聚

夕從君接淵冲一譜冰雪篇寫之以絲桐

為杜雲川年伯題蓉湖詞隱卷

修篁蔭叢綠溶溶  
淡春烟東風吹落英  
十里香流泉遠響  
烟際起時時間扣  
舷雲光淨餘滓澄  
碧涵湖天虛堂寥  
以曠耳目消眾緣  
水月資漱滌湖山  
助清妍發爲金石  
聲綴之瓊瑤篇茹  
嚼味外味諦聆絃  
外絃色香兩無著  
奚從滯言詮棲心  
旣云遠谷神良已  
全居與漁者鄰人是玉堂僊  
先生笑不答披圖心惘然

爲吳堯圃題山水障子

千山萬山氣鬱葱，半天雷雨烟冥濛。盡驅猱龍走巖谷，橫安倒插成虬松。孤亭落日路轉黑，杳渺鳥道盤蠶叢。雲端隱現梵王殿，時有鐘磬隨天風。誰爲寫此心，良苦延陵奇士吳堯圃。郭熙已往大癡歿，不倚前人立門戶。生機在手手運之，墨彩筆花爭鼓舞。倏忽造化移陰陽，淡以雲霞潤風雨。圖成不復見經營，但覺凌空氣吞吐。我昔見畫慕此人，相逢恰在章江濱。陶融春熙見顏色，帥氏清芬集。樹人堂詩 卷五 十七 綠窗重槩

浣漱秋水傳精神，搗來兩月挹丰采。意氣傾倒無比倫，齋頭有地容我醉。世上何處憐君貧，俯仰之間足千古。自以筆墨存其真，達官貴人不能致。清如玉樹離風塵，我賦此詩當擊筑。試易新圖三五軸，君圖難得知者看。我詩亦厭傍人讀，君不見高天今古無盡期。慎莫區區問寒燠。

雙割股歌

丹穴無凡翼，雙栖撫雲儀。灼灼荆樹花，翩翩棠棣枝。清

齋供瑤帙坐讀割股詩始讀令我歎再讀令我疑至行  
天所靳胡迺迭見之名門釀太和融湛如春熙感召盡  
清淑陶鑄同鑪錘一氣分兩形同堂擅雙奇當其處順  
適掌上珠離離元音寫悅豫嗶嗶播填篋子心無終窮  
親壽不可期北堂秋風高萱花露中萎呼天亦云遠驚  
憂轉愁癡眾慮攢寸心身外豈復知誰言戕血肉刀七  
甘如飴晨興肅冠裳香華颯神旗再拜起一割心快手  
自支想見先後開揮刀如雪時萬恠交駭愕百靈潛伺  
帥氏清芬集

樹人堂詩

卷五

六

綠窗重翠

窺伯仲不相謀精誠兩分馳暗暗合軌轍明明奉羹糜  
母恙良已愈神丹異參芪如何慶痊療終焉涉傾危駟  
馬驟平坂一逝杳莫追九原天茫茫逝將永相隨此身  
復何有遑惜股與肢只今撫創痕痛定彌淒其我讀嘆  
且疑三讀生深悲作歌和諸什亂緒猶紛披報施數豈  
爽忠孝理無歧雲路方軼蕩願言步郊邴書之史編上  
庶以永昭垂

爲胡香年題秋月梧桐卷

河漢微雲清杳渺摩天匹練澄如曉參橫素影畫欄斜  
起看雙梧暎秋沼主人科頭白衲衣金風欲動香霏微  
殘編半啟有所憶性情蘊藉同寒暉君家世美隆閱閱  
何限神雛起丹穴踈枝恰稱鳳凰栖金井銀床漾晶潔  
朗朗冰心照玉壺坐聽清響戛珊瑚何年移向湘江上  
寫作南華秋水圖

蓬山高爲王迪公賦

蓬山高星斗邊峰巒峭削凌風煙洞府無塵山峭然青  
帥氏清芬集

○樹人堂詩

卷五

九

綠窗重東

松白日對清曠琪花瑤草交鮮妍玉虛神人住其上綸  
巾鶴警何翩翩手披竹素啟幽闕著述不記歲與年叔  
卿座旁衛公子食公丹粒參太元偶揮如意指名理清  
悟已証逍遙篇海天渺莽不可極滄波頽洞搖星躔我  
欲訪之不可卽終隔弱水程三千蓬山高高接天清華  
洞府宜神仙人穆穆神內全混涵元氣葆真素要知  
道在太極先

古意贈金陵倪羽客

嶧陽梧桐枝斲之成綠綺音外發餘音淡然游太始翳  
彼洗桐人夷猶會微旨忽參淡泊天遂悟丹青技淳古  
舒太和清堅謝浮靡直寫鍾期心雲濤幻山水金陵有  
佳客後先稱濟美盡化筆墨痕一契清妙理亦如無絃  
琴何從問絃指倪迂如可作我欲呼之起爲我拂金徽  
長歌贈吾子

帥氏清芬集

○樹人堂誌

卷五

二十

綠窗重栞

此卷清芬集



此卷清芬集  
卷五  
二十  
綠窗重栞

樹人堂詩卷六

奉新帥念祖宗惠父著

族後學之憲石生甫重乘

初發馮川道中

群仙歷歷在瀛洲三載家居此再游樹石澄鮮初弄曉  
江山平遠最宜秋薇垣萱砌身南北水驛楓亭夢去留  
卻似流雲漾風景一天情思渺難收

秋夕西山道上

帥氏清芬集

樹人堂詩

卷一

一

緣窗重乘

大野冥濛夜色濃四山蒼肅氣潛通孤村吠犬織纖月  
高樹驚雅瑟瑟風情似斷絲縈客路涼如潑水浸秋空  
故鄉回首自茲遠今夕幾人清夢中  
旅枕聞雞起箸鞭碧霄如釜夜山圓自離故國已千里  
不慙此途今四年疲馬踏沙楊柳渡郵亭沽酒菊花天  
閒情豈爲悲秋發卻似黏泥絮易牽

樹人烏石門

仿佛桃花洞口來溪流到此束還開石如兩扇分門出  
山似雙龍掉尾回透體曉涼凝露草橫空秋爽沁靈臺  
泠泠冰玉亭邊水自滌征塵進一杯

地有冰玉泉

### 潛山早發

天柱微微倚碧霄沙堤如綫白迢迢澄溪渡馬月清淺  
野店唱雞風寂寥夜色不分烟十里秋情欲曙柳千條  
此行漢武登封地玉檢丹泥氣未銷

### 北峽關

帥氏清芬集

樹人堂詩

卷六

二

綠窗重葉

層峰立青冥眾壑紛俯仰一折入蒼蔚再折忽軒朗側  
睇來路微相隔已尋丈岡巒各騫騰氣勢益深廣山腹  
多喬林人行松頂上西風吹山香簌簌帶秋響耳目一  
已適心神爲之爽山色無古今征夫日來往驅馬不可  
留悠悠寄餘想

### 早發

眾星攢中天殘月啣半嶺東方白將發湖山弄清影騎  
馬入荒村寂若無人境夢斷一聲雞露滴梧桐井

贈黎質存

閩中居士騎疲馬得得徐行蘊風雅迎人山水本多情  
觸手珠琲忽驚瀉我行旬日共長征旅夜啣杯得細評  
滿簾明月映冰雪嫋嫋獨敲金石聲恠君筆墨無塵土  
知有精華宅靈府詩書之氣釀沖融偶遣奇情一傾吐  
盤空硬語無粉澤千尺游龍裊風雨世人未必能識君  
今古塵埃悲李杜請君按拍歌數章起擲殘杯爲君舞  
爲沈澄江同年題鉏經圖

帥氏清芬集

○樹人堂詩

卷六

三

綠窗書集

天精溉心田夜氣生百穀千古一兒寬揮鉏破經籬鄉  
國逸情起玉堂清夢熟卻因虎頭筆小寫還初服衫輕  
裁芟荷笠密編蒲榭長鉏伴殘卷佇立致蒼肅有意無  
意閒此樂君所獨六經融渣滓千卷貯腸腹稂莠旣芟  
剔雨露復霑沐舒英揚其華生氣相往復東風吹春疇  
冷然扇嘉淑因知自得時天趣在心目我聞杜浣花長  
鑿寄同谷君今鑿坡上詎戀西湖曲耘耔植靈苗浸灌  
資卷軸試問六時功是耕還是讀

送周力堂南歸省親二首

孝治上方隆至性君本足陳情丞相前懇摯動觀矚遂  
辭白玉堂交唱陽關曲天涯一柴車落落數僮僕春光  
散朝雨柳色淒已綠盤薄異鄉心一杯舉相屬珍重復  
珍重敬爲征人囑

我別已四載燕臺手重執僑寓東西頭見一不見十相  
逢良已難相別一何急雲龍分飛馳參商交出入去者  
嗟獨行留者慨孤立關山不相隔形神儻相及明月露

帥氏清芬集

樹人堂詩

卷六

四

綠窗車果

華中夢到離魂濕

春夕

月靜春漏遲風緩煥香吐水簾紅燭影清景不可度美  
人張瑤琴一曲發妙悟至情人淡泊元氣各灌注披襟  
導其和冲乎養吾素

題畫

雲水蒸蒸畫舸香柳堤風煥綠搖窗得魚又醉長天晚  
夢傍菰蒲雨一江

芳草煥烟蒸異香詩情如縷會蒼茫句成却傍好風去  
溪上數峰方夕陽

今古流光滾滾銷溪山如此付漁樵相逢一笑謾歸去  
斜日蒼黃話六朝

凝思彷彿侶枯禪意在空濛淡蕩邊吸得溪山最清氣  
筆尖新鑄白雲篇

分得東籬花一步兩迴顧秋露湛朝陽清姿濯幽素

偶侍宜城小字琴客寄意絃指運聲靈宅冷冷一曲江

帥氏清芬集

。樹人堂詩

卷

五

綠窗重采

深月白

早春偕黃甯拙同年游拈花寺卽以拈花字爲韻

分賦二首

亭際清虛鏡一奩紅橋雙引路纖纖柳枝弄色綠方淺  
湖水瀉春晴未添到眼芳華容我醉環空妙義待君拈  
幽琴淡景兩相發身坐陽和百慮甜  
江南烟景正清華旅次誰能不憶家新柳暖風晴轉馬  
小橋流水暮盤雅客情瞥見如鄉夢殘緒無根似落花

恰是鶯啼好時節雙柑斗酒日停車

江又存見和拈花寺詩卽用前韻送其南歸二首

江郎藻思麗霜縑綵筆疑從夢後拈句似開元多蘊藉  
書如上谷倍清嚴綠楊池館春情晚芳草關河別緒添  
我再捧心供一笑苧蘿東畔老無鹽

願控神駒似碧霞假君來往踏天涯桂香秋滿西江月  
杏信春催上苑花廿四仙巖迎遠棹三千水驛別京華  
臨歧怕折長亭柳綠遍江南苦憶家

帥氏清芬集

。樹人堂詩

卷六

六

綠窗重萊

天主堂觀西洋畫壁和楊蘭畹吏部韻

矯首如騎潘闥驢瓊樓十二眾仙居欲披繡闥入幽境  
夏掣牙籤校異書縹緲海濤朝列市逍遙濠濮靜觀魚  
醉來笑乞通神筆

時留飲吏部倉君宅  
倉君亦工西洋畫法

畫取南陽舊草

廬

余所居新種四柳同年黃甯拙太史贈之以詩用

竿字韻奉酬二首

晴拖暖綠雨拖寒記向江南二月看翠黛纖腰紅叱撥

玉花金縷畫欄杆，鄉情黃耳迷京洛。宦興鮎魚上竹竿，猶贖小園剛半畝。得分春色向長安。

萬柳新詞墨未乾。

近同賦萬柳長詩

又傳麗句出吟壇，非誇九

烈能彈指輸與淵明。是在官深院聽春鶯，一轉暖窗眠。綠日三竿，君家庭館春尤好，枳嫩桐香伴彩鸞。

楊檀游農部葺新居成諸同人移罇落之和同年

### 黃寧拙韻

爽塏幽居隔市塵，喜看亭館又添新。移樽恰得六從事

帥氏清芬集

。樹人堂詩

卷八

七

一綠窗重葉

借客相陪眾主人，湛湛冰華初透月。溶溶夜氣欲成春，馮誰貸取三千貫。便卜東西結比鄰。

玉瑄音和調暗移疎風徐度字遲遲，數聲赤舄鶴飛去。一夜平陽月滿時，詩戰陣酣橫鐵馬醉鄉路。遠速金卮公餘佳會能多少，笑指梅花訂後期。

### 寄懷尹大中丞卽和見贈原韻

離緒比游絲，裊裊入微渺。自經五年別，乃信三秋早。矯首丹鳳飛，翱翔在雲表。雲表不可扳，梁月縈懷抱。夫子

際

聖明寵沐

天恩好建牙涖三吳奏績登上考從容布經綸純樸謝  
機巧蔽垣燿台宿丹穴生神鳥森森古名臣一出盡推  
倒在昔棘院中秋清月華小哦詩上層樓極目陪遠眺  
裘葛脩五更又及冬之杪離懷無斷續何以見多少安  
瀾策偉伐槐響奏清曉周甫降維嵩鄴侯生應昂勉此  
鐘鼎身上以答

帥氏清芬集

。樹人堂詩

卷六

八

綠窗重翠

有道雙鯉貯遙情長歌賦香草齋寒雪色白如見冰壺  
皎

瘦爐歌答黃補室大兄

汾陰寶鼎氣鬱葱秦雕漢鑄都銷鎔是何神物露光恠  
摩挲頓似游鴻濛此爐乃是木生瘦偶然運斧煩鬼工  
赤松仙人丹就後雨雪剝蝕成青銅三代去我亦已遠  
雲雷文質辨鼎鐘丈夫曠世結遙想要令萬古羅心胸  
清齋服御裂時製有如狎處兒童中補室先生太奇絕

公車來自閭早峰攜之遠泛四千里時恐攫取來癡龍  
一朝作記舉贈我勝事不減恠石供君云病病乃不病  
我今色色仍非空作歌微覺墨氣煥回看寶篆縈踈風

寒夜小集分得之字

對酒忽復醉愴然心自疑如何客天涯不異棗梓時數  
家隔委巷相近如布棋來往未嫌數人熟犬亦知公餘  
得清暇杯酒常招攜有如集髯蘇說鬼煨蹲鴟冉冉日  
向晚颼颼風透肌擁爐坐陽和列席羅樽彝一酌醒塵  
帥氏清芬集

樹人堂詩

卷六

九

綠窗重翠

眼再酌熏詩脾麗藻條交發天葩剡紛披長城峙長卿  
左鼓右執旗綴之以偏師勇銳不可支群有供唾咳萬  
象歸爐錘堆盤大小珠照耀尤纍纍黃君操宮聲冲溶  
寫春熙一變轉清壯音響尤淋漓人生忠義心有觸不  
自持當其慷以慨四座皆涕洟翻令百世後而爲前賢  
悲是時月如水清輝滿庭墀瘦竹搖凍影棲烏拍霜枝  
起視天宇曠寒涵碧琉璃瓊樓渺何在吾其往從之夜  
析又已急城漏知漸移怕值李金吾言歸莫遲遲

胡土克圖五臺山僧也圓寂後生蒙古爲再來人

洞曉前因

聖祖仁皇帝賜號曰清修禪師

五臺山上選佛場五峰矗起名清涼文殊去後獅子吼  
示生又轉金輪王金輪一轉一塵隔塵塵清淨含珠光  
有如芬陁利花色水月千池同妙香記從參透無生句  
片蘆隻履西天去託胎重現嬰兒身歷歷因緣都有據  
彷彿三生石上魂圓通不似粘泥絮般若臺邊卓錫枝

帥氏清芬集

○樹人堂詩

卷六

十

綠窗重粟

曇華金粟影離離千年鐘板鐙明日當下機鋒梅熟時  
莊嚴幻出如來相願力無邊亦無量  
至尊特詔錫佳名兩字清脩思浩蕩定將功德及生民  
鉗鎚不特宗風暢我今稽首普人天獻水添花同供養  
爲王芝圃太史題畫

逍遙暢形神淡泊握道要碧梧清影轉小立觀眾妙活  
潑自有源渾混本無竅悄然忘言說拈花作微笑

呂審南廷評招賞藤花卽席賦贈

我居卜城南比舍依名賢買鄰儻論價索值應三千灼  
灼古藤林託根肇何年膚理煉冰雪英華養風烟龍蛇  
蟄初奮拔地勢蜿蜒老幹互糾結弱蔓交縈牽散作彌  
空花燕支雪一天我室僅容鄰我牆纔及肩疎簾度清  
芬繁英媚東偏主人值公暇開閣相招延亭午風日美  
其下張瓊筵暖香浸穠郁飛瓣紛迴旋面目耀綵綺杯  
盃翁芳鮮但覺意興豁未可文字詮歸息坐月明伴花  
同醉眠

帥氏清芬集

○樹人堂詩

卷六

十一

綠窗重牋

送王爾爵都諫歸省黔中

紅嵯白石黔陽道萬里春輝煥萱草桃李繁陰植諫垣  
紫微仙府開瓊島乍拂征鞍出帝畿萊衫猶帶御香歸  
錦堂紗幔文宣座翩翩朝陽彩鳳飛

樹人堂詩卷七

奉新帥念祖宗惠父著

族後學之憲石生甫重乘

命巡視畿南道中作

南城御史巡按直隸順廣大三府按察

畿南春色動神州

帝遣都亭乘傳游柳質欲青思吐葉冰華初泮漸成流

烽臺暇日調營馬麥隴斜陽鬪犢牛二十八城資直指

帥氏清芬集

樹人堂詩

卷七

綠窗百集

小臣何以答

天麻

唐山道中

驛路詩千里東風馬一鞭白沙春水曲綠樹遠天圓大

陸極平曠連岡忽蜿蜒猶傳聖神迹遙溯有唐年

鉅鹿懷古

疆秦如雷霆新趙勢崩析天寒無鹽會雪片催羽檄重

瞳言不用暗啞生憤激手斬上將軍焚舟赴鋒鏑是時

鉅鹿下諸侯十餘辟呼聲忽動地觀者交悚惕驚從天  
上來精銳歛飛擊龍潭與虎窟九戰竟無敵遂走章邯  
軍解圍成霸績我行經戰壘莽莽見沙磧殘陽照大陸  
古堞掩荒寂興廢思無窮風前一聲笛

平鄉道中

落日平臺畔春風滄水傍澹雲停片影暖草逼空香綠  
野路如綫烟邨樹似牆于子逢父老勒馬話耕桑

邢臺道中

帥氏清芬集

○樹人堂詩

卷七

二

綠窗重采

芳堤走馬踐輕塵又是人閒上巳辰紅杏綠楊何處雨  
神旗社鼓滿莊春百年休養民風好夾道趨迎使者親  
父老不能名

帝德太和元氣日瀾淪

邢臺閱武

束髮弄錐穎文壇獵科名掩卷慕韓范天柱手獨擎九  
文亦儒者大功出書生撐腸納千卷森肅羅甲兵三月  
控驄馬郡邑春巡行雄關起襄國勝概收滄沼烟柳十

萬家鬱蒼臥牛城，轅門動畫角。大旆飄朱纓，負弩奮前驅。  
橐鞬夾道迎，中堅擁玉帳。魚鹿聯群英，立馬東風前。  
令肅無人聲，淵淵伐嚴鼓。凜凜敲長鉦，方圓既就範。變  
化乃漸呈，陣合風雨至。門開天地清，龍虎互騰踏。蛇鳥  
交糾縈，赤燄電影發。星戈日華明，壯哉虎衣兒。藤牌歟  
飛驚，鬼物紛趨避。鋒銳不可撓，我觀邢襄地。屏藩衛  
神京，西逼大行麓。險要連幽并，其人慷慨以慨。按劍多悲  
鳴，報主見豫讓。存孤得程嬰，流風未衰絕。俠烈皆天成。

帥氏清芬集

○樹人堂詩

卷七

三

綠窗重聚

收羅養其鋒，淬礪歸銳精。鼓彼忠義氣，同茲甘苦情。  
輕裘羊祐澤，細柳亞夫營。是曰武備修，永以維

昇平諸君幸，交奮夙夜矢丹誠。

沙河縣

翰軒遙向古溫州，地接臨洺據上游。五指西排通鳥道，  
九家東走出狼溝。天連白草春猶澀，沙壓積城雪未收。  
擬向廣平祠一拜，梅花清賦想風流。

聶園

小園清勝暫停車  
笙鼓聲闌蚤放衙  
池上綠雲森老柏  
風前香雨散疎花  
閒堦春興行看草  
石几詩情坐瀟茶  
忽見故人留小句

讀素堂同年庚戌奉使題壁舊作他年應遣壁籠紗

臨洛關

邯山洛水鬱蒼茫  
此地由來古戰場  
滾滾輪蹄通晉豫  
層層烟火接邢襄  
昇平日月耕鋤裏  
幽雅歌圖井畝旁  
殘照一鞭離古驛  
孤城回首隔垂楊

謁盧生祠

帥氏清芬集

樹人堂詩

卷七

四

家司重采

黃梁未熟片時眠  
宦海升沉八十年  
一切境爲心上幻  
幾多人在枕中天花  
迷驛騎春風晚柳  
接叢臺落照圓  
何日雲房憩清暇  
酣酣幽夢訪金仙

邯鄲行

君不見武靈王  
炫服雄風何弈弈  
坐擁金城森劍戟  
清歌妙舞十二時  
雪洞天橋三百尺  
一從探轂起蒿萊  
無復當年舊金碧  
又不見平原君  
瓊樓玉棟如雲屯  
三千玳瑁簪  
曳裾登朱門  
美人之頭不足惜  
指揮意氣傾金

尊繁華銷歇霸圖冷白楊沙塚悲王孫雄城北枕漳河  
上三晉雲山鬱相向將略猶傳舞劍坊清風忽轉回車  
巷豈有當時擊筑人都市酣歌寫悲壯興廢無端富貴  
場百年幾日熟黃梁盧生一醒呂翁去紫山如夢多斜  
陽君不見枕竅中人生又老紛紛車馬邯鄲道

### 漳河行

大行西斷磁洛開清漳濁漳動地來其間地是古銅雀

荒邱廢址生蒿萊炎劉二十有四葉長安劫火餘飛灰

帥氏清芬集

○樹人堂詩 卷七

五

綠窗重采

羣雄睥睨漢氏鼎孟德攘臂爲罪魁首迎天子擁虛器  
諸侯聽令如風雷吞袁擒呂逞雄略跨漳躡鄴營高臺  
臺荒人去霸圖歇臺下松楸老明月無復春風鎖二喬  
空傳狡兔藏三窟纍纍疑塚滿河干何處青山葬奸骨  
策馬行經講武城漳流不盡古今情兼金莫購鴛鴦瓦  
片片西陵太息聲

### 成安道中

徑雲泚水戰爭餘奇策空傳李左車彩鳳一飛仙邈邈

天花無量雨徐徐烟邨雞犬存唐俗柳陌風沙指趙墟  
使者莫忘民瘼重祇將興廢問樵漁

使署書懷

時清真覺稱迂踈使館雍容理簿書小鼎沸茶春睡起  
虛堂坐雨午棋初門無私謁官逾重政有餘閒氣自舒  
白簡青囊臣職在無慚夙夜近何如

雨後魏縣道中

氣暖日初霽心空境轉親斷雲烘落照深柳鎖餘春千  
帥氏清芬集

樹人堂詩

卷七

六

綠窗重采

耦耕新雨沿邨見醉人天心仁愛甚惠澤遍蒸民

禮賢臺

層臺千古矗城東禾黍油油故魏官士各有心君莫強  
迫斯可見道逾隆堤花暖透香盈座水氣平搖翠滿空  
南指夕陽孤鳥外萬家烟火入天雄

鶴城懷古

簾隔風千縷花迎月一鉤琴聲紅燭院池影綠楊樓勝  
地覺心適餘情與古謀遙憐乘軒鶴不共衛同仇

平干題壁

赤翟之墟漳水涯金堤銷歇舊繁華荒城榛莽二三里  
灌木籬牆數十家豆麥日中喧市集輶軒雨後課桑麻  
安瀾有慶好休息爲爾小民停使車

肥鄉新治

狂漳南徙陸沉餘六十年來理舊墟官署門屏棲綠畝  
土城花蔓繞清渠發舒民氣資生聚長養春和徧井閭  
文靖有靈應默相奠安桑梓得甯居

城有李文靖公墓

帥氏清芬集

樹人堂詩

卷七

七

採窗重萊

鷄澤縣

洺滏雙流滙鷄邱百堞開古風存酒誥遺跡記盟臺澤  
國宜梁黍荒城半草萊遙觀紫山色隱隱自西來

曲周縣

滏水來神廡迴環倍有情橋通芳草路堤護綠楊城悅  
豫宣民氣歌謠訪吏評還凭一杯酒遠弔李清卿

郎若水

宋侍

清河懷古

黃蘆故道杳難凭  
白馬孤忠遠服膺  
鹿郡舊分秦屬國  
魚鐙長闕漢甘陵  
荒城斗大餘沙鹵  
戰鏃鋪來幾廢興  
爲語神明河上宰  
莫將撫字後催徵

癸丑五月奉

命督學兩浙恭紀四律

驄馬經行御史臺

恩綸驚自鳳池來  
蓬瀛舊職兼銜重  
桃李新陰向日栽  
菲質媿承

帥氏清芬集

樹人堂詩

卷七

八

孫樹重採

天寵渥文瀾  
須障海潮回  
盟心慎莫忘  
甘苦十四年前  
是秀才

露濃

宮柳拂青霄曉

殿師師集百僚  
謨誥肅承

天語切衣冠  
身傍

御香飄光搖寶翰  
開黃帕春簇寒儒  
拜紫貂蒙賜  
貂皮玉硯

筆墨  
諸品戀

主寸心同犬馬三年歲月太迢遙

驛路三千達

帝畿京華七載別慈幃平安縱寄天涯字鍼線難忘身  
上衣山接玉常通故里俸餘冰雪奉春暉此行感激

皇恩重子職臣心兩不違

吳山越水出精神不盡靈奇與日新天地發生皆血脉  
國家陶鑄是洪鈞挽持氣習歸皇始推激風騷轉大醕  
綿力幾何蚊負重祇凭清白報

帥氏清芬集

。樹人堂詩

卷七

九

綠窗墨采

君親

長清道中

羣山如層波滾滾正東下一峰忽回駐峻坂勒犇馬昂  
頭摩青天矯尾蟠大野奇石各怒立急澗遠驚瀉是時  
雨新霽風景界秋夏停雲補遙岫巘嶂幻真假空香杳  
無端暖翠不可把流覽意已適忘言心自寫南北紛輪  
蹄悠悠行道者

賦得縹緲雲飛海上山

耀藻懸華漾太空冥茫海上碧芙蓉因風何處生一縷  
挾雨忽來添數峰遠接天光搖島嶼虛涵水氣混魚龍  
神洲自昔多仙侶疑有瑤臺十二重

賦得愛月還登鎮海樓

橫空一目露華微撲地千家夜漏稀越嶠烟澄流素影  
海門秋盡冷清輝步來冰雪添餘興融盡渣滓躍化機  
直欲凌風竟飛去廣寒宮畔永相依

試院

帥氏清芬集

○樹人堂詩

卷七

十

綠窗重集

號燭雙行席眾英試題七道屹堅城饑蠶葉底喧風雨  
鬪蟻軍前戰死生見猶未能忘故態選言須是探心聲  
東南一片靈奇氣盡洩吳山浙水情

桐廬舟中

春山晴春水流春風澹蕩吹行舟舟迴帆轉水復曲遠  
山拖青近山綠幾家樓閣倚桃華一帶籬牆護修竹竹  
瘦翠可滴桃嬌暖方酣春光中我若宿酒况復山光水  
色相混淆敲詩富春渚買酒嚴陵瀨殘緒杯竿前逸致

篇章外高歌忽與白雲遠  
醉眼始覺青天大造化  
英靈正發舒元氣  
淋漓起根蒂  
當前森森呈眾象  
觸耳窅渺生萬籟  
千迴百裏勢未已  
東赴錢塘結都會  
回眸磅礴臨疎風  
唯有清暉滿襟帶  
我初落第歌歸田  
屈指重來十四年  
仰蒙

聖明遇兼遂  
山水緣騁懷  
一日特偶然  
桐君桐君奚必招我爲神仙  
君不見案牘如山滿  
行署子陵釣臺無覓處  
明日登岷作官去

帥氏清芬集

樹人堂詩

卷七

十一

綠窗重采

禾州舟中

校士嘉禾郡  
天慳一月晴  
到舟迎霽色  
傍柳得蟬聲  
鷺立溪魚發  
蛙喧水稻平  
布帆生五綉  
遙指石門城  
梅雨家家足  
溪流處處通  
綠分桑柘  
岻紅颭芰荷  
風簫鼓凌波  
上文章入彀中  
此邦靈氣積  
羨爾出羣雄  
舟行人不覺  
遠岸只浮來  
寺老雙松出  
橋分一水回  
霞光蒸暑雨  
雲氣會輕雷  
悟得西堂偈  
清心託鏡臺  
維舟羣籟息  
暑氣入遙天  
明月似良友  
疎風宜夜絃  
孤

情遊象外眾妙到尊前枕簟涼于水幽吟雜醉眠

錢塘渡江

朱旗彩鷁避潮開雲物蒸蒸海氣來擊楫無勞添慷慨  
乘槎疑欲上蓬萊山分兩浙江中壑峽束三壺水逆回  
遙指斜陽烟樹色萬重金碧湧樓臺

會稽舟夕憶張生介石時舉博學鴻詞應 詔

澹景洞沖寂秋情發管絃風噓雲葉轉月晃水花圓  
網慚探海瓊英價動天喬枝新雨露爲汝慶鶯遷

帥氏清芬集

樹人堂詩

卷七

十一

綠窗重栗

嵎縣舟中

橫空疏雨澹無聲送作扁舟一段情流水渺然因岍遠  
好山何限與秋清風吹午夢雲同斷香透吟腸酒半醒  
此去天台舊時賦絕勝孫綽畫中行

天台山

五丁不停斧萬象無定形啟閉任雲氣苞胎盡英靈  
茫蒞分野占牛女列宿上應爲白星盤空一萬八千丈瓊  
臺雙闕通天庭昔者巨靈鞭山走大海島嶼犇掣兼風

霆此山屹立不可動東南坐鎮資藩屏我行帶雨訪神  
跡耳目所得都未經響巖石月世寂寂黃猿白鶴秋冥  
冥神僧定後散花雨仙客至止驂雲駟石梁苔滑度不  
得匹練倒掛如建瓴華頂之峰赤城上瑤葩無數含清  
馨朱霞九光隔天半但見巘岫相晦暝何年輕身躡絕  
頂手弄日月窺滄溟坐看閭浮震旦最東處蒼蒼九點  
朝烟青

題畫

帥氏清芬集

樹人堂詩

卷七

十三

綠窗重采

瀟湘溪上暮烟低罷釣歸來路欲迷記得昨朝沽酒處  
小橋斜過柳陰西

野色自幽曠薄言陟層阿空山淡無人雲氣相與和采  
采青松枝行行穿薜蘿心香兩相印顧此雙摩訶神仙  
本清虛遐矚良已多愛茲清露芬踏彼碧玉波洞天宮  
何許明月橫青莎

密巖

龍歸葛陂杖鶴謝緱山翅自非金丹身共此形骸累山

行已三日巖壑屢軒輕茲峰特嶄絕遐矚心已悸鳥道  
回青冥天門鎖幽闕盤旋似緣蟻才孑若扶醉牽藤始  
移步屈膝屢過鼻仰眸爍浮光當胸落空翠來徑忽已  
杳前山勢將墜蝙蝠飛撲人麈麈歎驚避深茅颯劍葉  
蹲石露肩臂猙獍藏虎豹瑟縮立魑魅驚泉聒神魂誰  
暇別真偽一轉躡絕頂豁爾撤蒙翳孤高擁尊嚴環列  
數童稚雲留石長澗日淺露猶漑閩闔手可捫仿佛下  
鏡吹蓬蓬噓天風眾竅爭鼎沸虛谷悄無人有若笑且

帥氏清芬集

樹人堂詩

卷七

十四

綠窗重采

晉烟林既星羅隴陌亦棋置去路俯深黑千仞入無地  
滄嶼浮其根東南惟一氣我行良已勞我僕亦告瘁毋  
爲阮途哭勿灑華山淚世路多艱辛心境分險易履險  
須如夷康莊或顛躓古來崎嶇道造物有深意

鴈蕩山

其工怒觸坤維斷鯤壑鮫宮沉浩瀚鼇頭八柱奠東南  
第一文章先結撰名山三百支三千全力鑄此爲之冠  
更無一筆落凡近惟覺萬靈歸剖判初疑刮削碧玉屏

繼若攢簇青蓮片劃然東西分四谷夾道交馳互聯貫  
洪鑪範物無定形各注精思成鍛煉瑰奇詭譎歛送迎  
眾象森羅隨步換龍湫之水何處來倒挽天河接銀漢  
飛空白蛟五千尺銀鱗雪鬣盤天半昔者阿羅誥詎那  
西教東流來震旦渡海初開選佛場曾此經行坐清宴  
紺宇珠宮跡未湮白猿金雀燈猶燦八百眷屬安在哉  
散入靈岩如可喚伊余王事苦鞅掌匆匆去此如流電  
豈有妙悟生心源但挹空香薰鼻觀匡山昔讀大蘇句

帥氏清芬集

樹人堂詩

卷七

十五

綠窗重采

他日故人今識面擎盃醜酒盟山靈染筆題詩立公案  
國恩粗報可乞身便擬芒屨先繫絆四十九盤最高處  
獨躡蒼冥游汗漫回眸五嶽撐神州大塊鴻文鋪禹甸

青田舟中

溪行一百里海遠潮力罄松舟小于葉一榻更無賸溶  
洋泛烟霏屈曲歷幽勝潭澄碧無暈欲唾惜清瑩回繞  
得灘響風泉韻踈磬東曦夕綺斂西巘暮嵐暝起坐見  
華月樵唱隔烟逕眾象發心賞妙理契神定瑤琴一爲

彈芳醕半欲醒美人儻不來何以酬清聽

括蒼舟曉

荒林衰草曉寒連初日烘霜化作烟山意半舒都菌蠢  
溪清欲瀉尙蜿蜒英華久蓄昇平代風氣誰開洵穆天  
逸少不來星瀨在墨痕長憶永和年

上灘

長風貫林松蛇龍噴雲濤活火沸泉鼎魚鱗翻煎熬平  
處若門限乃知灘上高森森石中隙纔可容輕舸十夫

帥氏清芬集

樹人堂詩

卷七

十六

綠窗重采

拽纜呼激挽如桔槔長年相緩急左右投長篙目力與  
手法未敢差秋毫奇險雖可駭意致亦自豪如讀古文  
章波瀾妙風騷布帆幸無恙舟人漫言勞弩力賈汝勇  
前灘又怒號

括蒼道中

羣山次第行各出閒雅態聯駢交拱揖委宛多盼睭劃  
然一峰變宕軼標概昂頭窺穹霄伸足踏儔輩靈姿  
何特挺元氣忽犇匯化工大文章濃淡兩難廢著意不

箸意煞費經營在閒雲來何心白日靜可愛草皆瓊瑤  
液石作丹砂塊世塵既阻隔仙訣豈茫昧欲乘朝曦升  
絕頂吞沆瀣

桃花嶺

羊腸千曲繞烟霞盤轉行如出殼踰燒後山容皴水墨  
霜前松骨凍龍蛇橋通古戍晴梳馬寺接郵亭客買茶  
仙洞無津蒼翠濶憑誰一訪碧桃花

曉發縉雲奉和原韻

帥氏清芬集

○樹人堂詩

卷七

十七

綠窗重葉

微酣熏宿酒曉箭促行裝夢斷鷄啼月邨孤犬吠霜籃  
輿陶處士驢背孟襄陽多少吟情在清虛縹緲鄉

金華舟次

水明沙白澗無塵前度青山似故人欲剪白雲題小句

因風一路上朝真

金華山洞名

舍南舍北夾清溪水碓舂雲葉滿畦日影未移烟出屋  
傍松籬落一聲鷄

霜堤瑟瑟草生烟野岫斜陽牧犢眠人向橋頭去沽酒

水鴉飛上釣魚船

琴絲應指古音回  
烏玉研香鼻觀開  
還我書生真面目  
旁人偏指是官來

爲同年王後邨太史題雙梧獨立卷

雙梧孕琴趣  
爽籟回秋聲  
盤礴方寸心  
湛湛融其精  
衆妙旣獨攬  
小立舒遠情  
清沖道味足  
澹泊天機生  
世人望斗南  
翹首飲香名  
餘輝暖難卽  
塵畫不可撓  
月明棲齋樹  
交影澗上清

帥氏清芬集

○樹人堂詩

卷

十六

綠窗重架

爲顧兆槐觀察題荷院納涼卷

華池玉井形神暢  
水月溶溶無限量  
縱然現作宰官身  
不忘妙寶蓮華相  
平臺曲院西子湖  
七尺鷺溪寫幽尙  
東堤西堤各風日  
南峰北峰盡屏嶂  
公餘揮吏毋濶我  
苜渚蒲汀維畫舫  
登臺萬象森其前  
十里波光資供養  
竹露零秋境  
蕭颯柳烟拂  
曉天空曠田田當  
檻皆芙蓉  
新妝濃淡環相向  
妙香忽發水氣微  
仙根已脫紅塵障  
想見蠹臺共清澗  
冰雪團團填五臟  
湖山自此餘清風

朝野只今多重望定應景化歸陶融未許林泉樂閒放  
願君珍重紗籠身佇分蓮炬槐坡上

題畫

藤烟岷影合霏微勃勃蓬蓬得句歸誰與詩思鬪奇險  
回頭十丈玉蛟飛

桐廬舟中對雪

瓊宮仙人素霓裳靈旗獵獵來金閭鞭驅蟄龍三百萬  
玉鱗銀甲紛飛颺遇壁而成圓遇圭而成方岷松凍骨  
帥氏清芬集

樹人堂詩

卷

十九

孫尚書英

挺堅瘦如從元圃觀琳琅釣臺西去天拍水層灘複峽  
多渺茫寒波激蕩山色合森森兩道生奇光推蓬眼界  
曠何極一團虛白連滄浪恍遊上清羣玉府太空太素  
皆文章吮毫格格佳緒少安得一吐白鳳凰欲承瑞雪  
嚼寒滓借君清氣填枯腸

施生自昂見和對雪詩疊前韻酬之

我所思兮雲錦之裳金機玉杵隔天閭昨從瑤殿分一  
襲霞英閃爍光紛颺羨子詩情沒交涉髯蘇曾授敏持

方撐腸拄腹一千卷喉中吐作聲琅琅官商失調李杜  
死瓣香未盡嗟渺茫鯨吞鰲擲奇氣足此道此日將重  
光笑余對雪發清緒偶然覓句臨滄浪座中一遇楊汝  
士元白豈復矜文章中林幾人識蘭蕙丹山何穴栖鸞  
鳳吾子終從直道去世閒本自無羊腸

至日蘭谿舟次和施自昂韻

十指懸槌忘物役寸心孤照與天遊蓄琴但得七絃意  
對酒莫爲千歲憂灘險夕陽城掛水窗虛古岫樹穿舟  
帥氏清芬集

樹人堂詩

卷七

三

綠窗重探

蒸蒸雲物朝真洞已覺春回到做裘

金華舟次

山斷見叢篠溪回聞遠春風煙生雪意水墨發雲容八  
詠長相憶雙龍若可從頑情觸靈境滴自銷鎔

酬昆陵高紫千二首

吟馨紛爍繡囊開卷軸英華鑄妙才泚筆偶留冰柱句  
挂帆曾挾藥籠來靈蛇手摘珠千顆玉鏡光分月一臺  
惆悵風前小分袂春明結伴訪天台

窄渺金堂古玉京  
僊人曾此駐霞旌  
探奇巖岫當胸出  
得句鶯花夾道迎  
自發性靈摹好景  
共扶騷雅振元聲  
爲君更就尊前約  
但記梅開見別情

題畫

山意衝寒雪未成  
蹇驢得得寄幽情  
解琴試索梅花笑  
彈出東風第一聲

神房接三界  
松籟轉千尺  
指點虛無閒  
煙邨散晴碧

題畫爲吳江張樹衣

帥氏清芬集

樹人堂詩

卷七

三

綠窗重葺

百慮都不著  
寸心還獨澄  
石華秋夏瘦  
潭魄靜方升  
妙得常惺法  
應參最上乘  
自家真意思  
觸物總堪憑

題畫爲馮樞南太守

淺碧輕衫白練裙  
閒情落落寄流雲  
煖紅濕綠春如海  
檢點東風到十分

台州試院書懷

几硯清嚴午漏遲  
湘簾不捲涉風漪  
晴山入座一佳客  
高塔展雲雙翠旗  
甘苦舊嘗回味後  
丹黃幾過賞心時

林林海底珊瑚樹舉網須收最上枝

阮橋

連朝困崎嶇出谷得平野飄若離樊禽逸似脫羈馬意  
興既曠朗境地益瀟灑麥畦隱清渠遙津暗流瀉不見  
水上舟但見橫篙者春山擁翠城朝靄團團下迴雲補  
其缺謔復辨真假耕鑿羅邨莊籬牆列梧檟地無追呼  
吏人醉鷄豚社我欲調宮商按拍歌幽雅

方順橋

帥氏清芬集

○樹人堂詩

卷七

三

綠窗重菜

輕陰漠漠水平湖舍北邨南喚勃姑花塢香沉春似夢  
麥田烟潤雨如酥賣餠天氣粉榆鼓禁火人家笋蕨廚  
七十七峰青不斷此身真到朝川圖

白菟嶺望海

夸娥鞭山山忽開碧津萬里環其隈巖風長嘯虎坐嘯  
島月孤懸潮上來人世浮漚歸蜃氣東南春色逼吹臺  
群仙不老蓬瀛在徐福只今猶未回

珠嶼

羣山逞意態，偃仰各殊調。流眸疾於電，不足窮眾妙。天地本渾敦，誰與鑿其竅。冥濛浸瀛海，縹緲出神嶠。層雲資回風，踈雨隔殘照。晦明天無馮，張翁筆難肖。儻逢蘇門生，世外聆清嘯。

盤山曉霧歌

東海蜃嘘氣，南山豹含胎。仰躋失煙嶠，俯瞰迷雲堆。丹梯步虛入，寥廓羊腸如。綫相縈，回我行一尺路。一丈後途漸沒，前途開。驚泉落何處，遙聞山腹輾。輓轟奔雷漫。

帥氏清芬集

樹人堂詩

卷七

三

緣窗重葉

天倚青蓋蕩，日生黃埃清。濁未判世茫，昧羅羅萬有藏。根莖欲拖蜿，虹紳滿酌沆。漉杯蟬翼以爲帷，銀華以爲臺。御風騎氣凌九垓，瞻彼慈雲蔭注大千界。青蓮金粟參如來。

石門潭

五丁斧跡尙斑斑，此地曾開夢覺關。鑿破連岡放流水，遠從天上出人閒。春扉雙鎖桃花路，晴鏡圓涵碧玉環。笑我匆匆刺舟去，祇應輸與白鷗閒。

青蓮菴

仙梵花宮夜春風玉漏飄虛窗流素月高枕落晴潮龍  
象燈明滅鯨鯢氣寂寥海天臺百尺笙鶴儻相招

江心寺

城盤九斗控樓船紺宇中流接島煙大釜翻銀山一掌  
蟄龍伸尾塔雙圓謝公好句應成佛信國孤忠欲問天  
兩度登臨都不果蕭蕭鐘磬隔風泉

永嘉舟中雜詩八首

帥氏清芬集

樹人堂詩

卷七

五

綠窗重槩

野航一葉蜃江開綠簷編蓬竹作桅泥滑水銷舟在岨  
解維須待晚潮來

孤松片石帶溪亭山靄天光上下青一點白星蠕動處  
有人如豆向蒼冥

幾家籬落映清渠曬網都乘春雨餘行指桺陰須小泊  
就船買得馬駁魚

地傳斥鹵利熬波萬竈牢盆積白醴欲試雨前新摘味  
井泉貯瓮恐無多

岸花百和暖芳菲擊柝聲闌埃火微山徑泥添新虎跡  
月明猶照醉人歸

陸壘峰前麥欲秋秧針分綠水交流鷓鴣啼處柴門啟  
小笠輕簑看飯牛

雲巒西上聳層梯眾水東流至此齊七十二灘財發軔  
舟人指點是安溪

去船牽挽如桔槔來船迅駛如鴻毛相逢聽得烟中語  
昨夜雨多灘水高

帥氏清芬集

○樹人堂詩

卷七

三五

綠窗重采

青田舟中

雲外一聲雨灘頭百尺烟峰攢春筍起溪東寶輪圓撫  
化觀生意棲心妙自然破除書畫障應勝米家船

山邨

水石開孤岸籬牆護小邨近門雙杞老對面一山尊課  
候晴還雨躬耕子又孫縣城終未到只自解鷄豚

以問餘用酒人佩

壯亦百味難裝裝筆林松關幾火燭山空或飛涼丸

多博陞一卷

奉新帥念祖宗憲父著

族後學之憲石生甫重栞

敖伯行

遊牧處視山之高者曰敖伯每五月五日壘石爲  
小浮屠徧插紙旗聚梵僧而祭之已乃醢酒割肉  
席地環坐以飲福其子弟十五以下者各飾鞍累  
馬數十騎齊發交馳以先至者受賞賚焉殆亦躡

帥氏清芬集

八〇多博陞

卷六

一

綠窗重栞

柎遣風輿

紙旗五色如攢花逢逢伐鼓吹胡笳呢喃梵唱不可辨  
我聽頗似諷法華山胥小兒騎大馬人人手控流金騶  
徐行意似不欲戰連鑣轉隊如脩蛇神之格思介爾福  
酒酌馬捫刀割肉大家醉飽坐團圞願取牛羊蕃畜牧  
起看走馬勝飛鳧競擬奪標爭逐鹿風鬣霧鬣滾香塵  
躡影超光翻地軸九歲童兒一騎先父色喜傍人目  
我歸醉倦夢迷離夢得家鄉解糶時

遣嫁行

胡姬媿嬌何佳麗胡然而天胡然帝貂帽雙拖明月璫

見尊客必着帽雲鬟不縮芙蓉髻以髮作兩辮下垂十三膚理妍長裾

窄袖錦連卷十五作新婦胡琴合奉鴛鴦絃朱陳締好

不論錢馬馳儘騎牛儘牽俗以牛馬馳為聘以數多為貴一旦親迎同

箸鞭俗尚親迎女亦騎馬聯轡而歸父母痛惜翁姑憐誰知種女生勇訖

鶯老花殘憎老物菩薩化作鳩盤茶珠串盤胸閒念佛

查兒虎行

帥氏清芬集一〇多博喻 卷八 二 綠窗重聚

馬被竊其曾會兩造而質之曰查兒虎兩不相下

則交刃為門各裸其人匍匐過其下曰天鑿之矣

竊者誣者俱不問其或指證已實則一馬以九數

論償焉有償至九九者

胡兒認馬若有神循沙按跡來尋人視蹄踪則知馬處胡曾馭

下亦有道判事直待天公報紛紜兩造相爭持安得秦

鏡一照之森森夾道架霜刃蛇行肉袒如牲犧却愁獲

罪無所禱乃是理紕詞窮時不見前日羣中亡一匹今

日驅來八十一

城上行

歸化城在殺虎口外百貨所聚諸夷畢集

城上程途纔半月往還手不持寸鐵披却裘眠大漠風  
拾來糞煮沙灘雪去者驅牛羊肥駝大馬尋西商來者  
裹鹽米茶箱布捆爲歸裝却憶先期講臺上扼關茶馬  
環刀仗今日嬉遊徧市廛繁華目觀

皇風暢歸說觀場見取經西天喇嘛唐三藏

夷人呼三藏曰唐喇嘛

帥氏清芬集

○多博吟

卷八

三

綠窗重翠

波羅達喇酥歌

乳取酪酪取酥九蒸十煉成醍醐養就黃芽生白雪百  
瓶纔得酒一壺中有全羊化爲汁傾杯似持癡龍珠我  
時小啜沁脾胃玉漿銀液差堪貴滴滴疑熏知見香溶  
溶只是清真氣從今別關醉鄉天忘却麴生舊風味

黃羊歌

五十年來窮措大榆粥芹羹救寒餓自來塞北飽胡羊  
半世萊園都踏破九月霜清校獵時黃羊品味尤珍奇

薦盤色壓紅螺醬上筋香凝白雪脂人說黃羊堪媚竈  
不見子方脩祭禱天上應無旁落權泥土安能主豐耗  
且打一碗飽老饕便是現前真福報

### 挈馬行

胡兒年十四使馬如使身馬亦解其意宛轉能隨人騰  
山越澗逐奔驥入蹄翻琰生黃塵轉眸蹀躞臨深壑飛  
身斜擲綸竿落驥首惟看血汗流長嘶已就青絲絡歸  
途得得騎且牽問渠何自生人憐豈無七首鐵槌鞭此

帥氏清芬集

○多博吟

卷八

四

綠窗重聚

馬前朝已祭天

馬之駿者以帛繫項而祝之謂之祭天不借不殺惟自乘焉

夾木行

夾木華言路也

夾木夾木隻身馬四足從來不識有被褥六月皮裘鞍  
上束不論生與熟不愁口與腹但逢羶帳是居停遇食  
而餐當夜宿人心各畦畛天地如樊籠流萍聚散於其  
中嗟哉疆域梗弗通魚忘江湖遊浩蕩見此皇古之遺  
風主不市德色客不悲途窮夫是謂之曰大同吾聞宿  
春糧者適百里三月聚糧適千里可憐買飯賃床眠多

少征人困行李暑日垂鞭過井亭一錢羞囊空千金之馬竟渴死

### 挈兀喇

塞外無驛以公務行者馳馬食羊均取給諸蒙古及行商無敢抗者謂之曰挈兀喇

南北長途七千里腰下官符纔片紙旋挈旋放有微權當逸當勞果誰是皇華奉使來輯瑞朝

天出行者曾無縮地術候者羈遲已旬日羈遲亦何妨

帥氏清芬集

八〇多博吟

卷

五

綠窗重采

但願挈馬莫挈羊馬駝不死尙歸主羊兮一去充人腸  
昨年留得雙羝供乳湏兩度兀喇挈絕種

### 牛羊熟

塞北牛羊有熟時雪小露草則大熟雪大沒草則不熟

居一歲種以穀居十歲種以木此閒但望牛羊熟便是窮廬一年福今冬飛雪不掩草羊產羔兮牛抱犢皮足裘羶足屋家家爐頭多酒肉我時相從果其腹却似江

南三月祭蠶娘計算收成看上簇

帥氏清芬集

八

多博驗

卷八

六

綠窗重裝



南三月祭蠶娘計算收成看上簇

韓退之論書謂喜怒窘窮憂悲愉佚怨恨思慕酣醉無聊不平有動於中必於書焉發之夫書之入神惟其垂縮往收藏鋒不露能得意于楮墨之外而豈以劍拔弩張之態爲工哉余嘗取是說以論詩詩以三百篇爲宗而楚騷繼之當日屈子以宗國而爲世卿被放之後不得行其志發爲忠君愛國文字然失位怨懟露才揚己識者譏焉

蘭臯先生出藩西秦謫居塞外風乾艸枯之地極目蕭

帥氏清芬集

多博吟跋

上

綠窗重聚

條思從中來每一詩成宜其激昂歔歔慷慨悲壯入於少陵沉鬱之詞而不自知乃手輯自製多博吟一帙寄付阮銓部卓山卓山貽予點閱其詩九章惟記彼地之土風時事瑣屑擲拾澄淡精瑩饒有晉唐風格卽古稱鮑明遠岑嘉州工爲邊塞之辭無多讓焉而一出之和平醅渾絕無羈旅厯落哀笳急管之聲蓋其志和者其音樂也

先生隨時舒卷而窮通得失毫不介心其殆進於道者

歎嗟嗟天地晦冥風霾晝塞而沈星殞氣于窮荒絕島  
之間猶自能出其光焰爭燿人目雖掩抑于一時欲使  
之終晦焉不可得也余謬跋帙尾目爲  
先生復起嚆矢可乎庚午端陽後六日書于桐川官廨  
後學山陰何暉念修甫跋

案樹人堂詩既經采陳多博唫則云未見二詩寒  
族均無藏本迺搜訪數年畚尋全帙卽依原鈔八  
卷以付剞劂多博唫雖一時未見今讀何君兩敘

帥氏清芬集

八。多博唫跋

二

緣奇重粟

則又知所獲在前其所詠人情風俗衣服飲食以  
至土音土產非身閱其地究心民膜者不能敘述  
詩雖九章要與圖理渙異域錄陳倫炯海國聞見  
錄等書皆足呂供志地者爲攷據之資獨惜收羅  
時竟漏珊網將此重鐫不又有埃于輶軒之徵采  
而非弟爲家臧計也顧傳寫多訛卽悉心校讎不  
無魚魯魯惟祈 大雅郵示更正不勝厚望  
光緒五年大歲在徒維單闕帥之憲謹識

癸亥夏署中遣懷

時和畫省闕清嚴更散花陰午漏添茶韻香溫攤笛簟  
斷霞孤雨隔湘簾司農國計均三賦大宰官方首六廉  
報稱有懷經術陋素餐何以答民瞻

千里金城控岐豐十年休息靖邊烽雞豚報社喧邨鼓  
麥豆堆場醉老農民鬱全銷通眾氣天膏有界劃提封  
又看太白殷雷起雨傍西南八九峰

斗閒太乙炯星芒誰守關西一瓣香國脉百年興禮樂  
帥氏清芬集

樹人堂詩

卷遺

錄尚軍集

人心千古託文章生材意思天無倦鑄土鑪錐古有方  
惆悵風流數前輩曲江池上樹蒼蒼

舳艫西挽塹龍門四塞河山東大渾守穀者誰司筦鑰  
飛芻何術足饗餼慇懃漢祖三章約滄古豳風七月邨  
八十五城多長吏可思父母育兒孫

豫章帥念祖稿并書

右詩四首行書兩葉石存陝西碑洞

樹人堂詩及多博唸草茲得舊鈔本尙幸完善惟何君義門首序損傷強半序稱東湖持伊族叔春圃舊鈔先生爲秦方伯時自彙平日詩共七卷呈使君使君喜得先生之詩全集不致散亾持告於余余因以迴環快讀遍游元圃盡賞連城不禁踴躍題其首冊云云多博唸後跋亦何君所作乃方伯之姪卓山太史貽以點閱者是多博吟跋作於先而前序作於後多博唸既有跋則樹人堂詩序不須再述奈殘缺不全莫可攷究今此本

帥氏清芬集

。樹人堂詩

卷六

綠窗重聚

多博唸附後而何以當時致無多博唸而序又稱有多博唸將毋以跋作序耶總之鈔傳最易失實現經按訪數年幸得此帙爰亟付梓至何君首序如得全文當卽補刊惜原本舊鈔不無魚魯伏乞 大雅郵示更正不勝厚望刻甫竣謹志顛末以俟 立言君子爲之弁語以益不朽云時

光緒四年歲在祝犁攝提格孟冬月帥之憲石生校乘

